



Agong seru rakyat hargai,
hayati keindahan bumi

KUALA LUMPUR -

Yang di-Pertuan Agong, Al-Sultan Abdullah Ri'ayatuddin Al-Mustafa Billah Shah menyeru seluruh rakyat Malaysia untuk bersama menghargai dan menghayati keindahan bumi, selain membudayakan gaya hidup lestari dan memelihara alam sekitar.

Menerusi catatan di Facebook Istana Negara pada Jumaat bersempena sambutan Hari Bumi 2022, Al-Sultan Abdullah menzahirkan ucapan selamat menyambut Hari Bumi 2022 kepada seluruh rakyat Malaysia.

Al-Sultan Abdullah turut menzahirkan harapan agar pembangunan di Malaysia dapat dilaksanakan secara mampan agar tidak berlaku bencana yang menjejaskan rakyat.

"Seri Paduka Baginda mengajak seluruh rakyat untuk bersama Baginda mendoakan agar Malaysia sentiasa dirahmati, diberkati dan dilindungi daripada sebarang bentuk ancaman dan musibah.

"Selamat Menyambut Hari Bumi 2022," menurut catatan itu yang diakhiri dengan tanda pagar #royal #malaysia #istananegara #haribumi.

Turut menzahirkan ucapan itu adalah Raja Permaisuri Agong Tunku Hajah Azizah Aminah Maimunah Iskandariah menerusi poster yang dimuat naik bersama catatan itu.

- Bernama



AL-SULTAN ABDULLAH

Tengku Hassanal
seru lebih ramai
anak muda libatkan
diri dalam aktiviti
pemulihan
alam sekitar

KUANTAN

Pemangku Raja Pahang, Tengku Hassan Ibrahim Alam Shah Al-Sultan Abdullah Ri'ayatuddin Al-Mustafa Billah Shah berdukacita melihat kejadian bencana banjir yang melanda negeri itu baru-baru ini.

"Saya melihat sendiri banjir besar yang melanda Pahang pada Disember 2021

dan Januari lepas dengan angka kematian dan kehilangan harta benda yang amat mendukacitakan," titah baginda menerusi kenyataan sempena Hari Bumi pada Jumaat.

Selain itu, baginda juga merujuk kepada laporan 'UN's Intergovernmental Panel on Climate Change' (IPCC) pada tahun ini yang

menegaskan bahawa perubahan iklim telah mengakibatkan banyak kejadian bencana seperti ribut, banjir dan kebakaran hutan berlaku dengan lebih kerap dan teruk.

Justeru Tengku Hassanal bertitah, transformasi perlu dilakukan segera demi kelestarian alam sekitar.

Baginda menyeru lebih ramai anak muda menggalas tanggungjawab dalam akti-



TENGKU HASSANAL



Tengku Hassanal bertitah, memulihkan kerosakan alam semula jadi dan perubahan iklim memerlukan tindakan segera dan penglibatan setiap individu selain daripada pihak seperti kerajaan dan NGO.

viti pemulihan alam sekitar demi kelestarian alam.

Titah baginda, memulihkan kerosakan alam semula jadi dan perubahan iklim memerlukan tindakan segera dan penglibatan setiap individu selain daripada pihak seperti kerajaan dan pertubuhan bukan kerajaan (NGO).

Tengku Hassanal turut mengingatkan semula matlamat sambutan Hari Bumi

yang disambut pada 22 April setiap tahun sejak 1970 yang bertujuan mempelbagaikan, mendidik dan memacu gerakan kelestarian alam sekitar di seluruh dunia.

Walaupun kesedaran dan keprihatinan terhadap alam sekitar makin meluas sejak lima dekad lalu, namun Tengku Hassanal bertitah, kegiatan manusia yang merosakkan alam sekitar masih berlaku.

